

38
sprechen / wol durch den willen mein /
das er dich wöll lassen reytten / als lieb
ich jm mag sein.

Do er zu dem Rosengarten außreit /
wol inn des Berners marck / Da kam
er in groß arbeit / von einem helden
starck / von einem Helden junge / do
ward er angerandt / Nun sag du an vil
Alter / was suchst in meines Vatters
Land.

Du fürst dein Harnisch lautter vnd
reyn / als ob du seist eins Königs kind /
Du wilt mich jungen Helden / mit ge-
sehenden augen machen blindt / Du
solt daheimen bleiben / vnd haben gut
haus gemach / Ob einer heissen glute /
der alt lachet vnd sprach.

Solt ich daheimen bleiben / vnd
haben gut haus gemach / Mir ist bey
all mein tagen / zu raysen auffgesetzt /
zu raysen vnd zu fechten / bis auff mein
hinesart / Das sag ich dir viel jungen /
Darumb growt mir mein bart.

Dein bart will ich dir außrauffen /

A ij

das

(15)

+

das sag ich dir vil alten man / das die
dein Rosenfarbes blut / vber die wans
gen muß abgan / Dein Harnisch vnnnd
dein grünen Schildt / muß du mir hie
auff geben / darzu muß mein gefan
gener sein / wiltu fristen dein leben.

Mein Harnisch vnnnd mein grüner
schild / die theten mich dick erneren / ich
trawe Christ von Himel wol / ich wöll
mich dein erwehren / sie lieffen von den
worten / zogen zwey scharpffe schwert /
Vnnnd was die zwen Helden begerten /
des wurden sie gewert.

Ich weiß nicht wie der junge / dem
alten gab ein schlagk / Das sich Hilde
brandt der alte / vonn hertzen sehr er
schrack / Er sprang hinder sich zu rüs
cke / wol sibem Klaffter weit / Nun sag
an du vil junger / den streich lehrt dich
ein Weib.

Solt ich von Weybern lernen / das
wer mir jimmer ein schand / Ich hab
viel Ritter vnd Knechte / inn meines
Vatters landt / ich hab vil Ritter vnd
Graffen

59
69
Grafen / an meines Vatters hoff / vnd
was ich nit gelernet hab / das lern ich
aber noch.

Er erwischt in bey der mitte / do er
am schwächsten was / Er schwang in
hinder sich zu rücke / wol in das grüne
gras / Tu sag mir du vil junger / dein
Beichtuatter will ich wesen / bistu ein
junger Wolfinger / von mir magst du
genesen.

Wer sich an alte Kessel reybt / der
empfehet gern Raum / Also geschichte
dir jungen / wol von mir alten Man /
Dein beycht solt hie auff geben / auff
diser Heyden grün / das sag ich dir gar
eben. du junger Helde kün.

Du sagst mir viel von Wolffen / die
lauffen in dem holtz / Ich bin ein Eds
ler degen / auß Griechen landen stoltz /
Mein mutter heist Frau Otte / ein ges
waltige Hertzogin / so ist Hildebrands
der alte / der liebste Vatter mein.

Heist dein Mutter Frau Otte / ein
gewaltige Hertzogin / so bin ich Hilde
A iij brandt

brandt der alte / der liebste Vatter dein /
Er schloß ihm auff sein güldin Helm /
vnd küßt in an sein mund / nun muß es
Gott gelobet sein / Wir sindt noch beid
gesund.

Ach Vatter liebster Vatter / die wunden
den die ich dir hab geschlagen / Die
wölt ich drey mal liber / inn meinem
haupte tragen / Nun schweig du lieber
Sone / der wunden wirt gut rath /
seidts vns Gott alle beyde / zusam̄ gefüß
get hat.

Das weret von der Nonne / biß zu
der Vesper zeit / biß das der jung Herr
Allebrandt / gen Bern einhin reit / was
fürt er auff seinem Helme / von Gold
ein Brentzelein / Was fürt er an der
seiten / den liebsten Vatter sein.

Er fürt in mit im in sein saal / vnd
sazt in oben an den Tisch / Er bot im
essen vnd trincken / das daucht sein
mutter vnbillich / ach sone lieber sone /
ist der ehren nit zu vil / das du mir ein
gefangen man / setzt oben an den tisch.

Nun

67
Nun Schweige liebe mutter / ich wil
dir newe mår sagen / er kam mir auff
der Heyde / vnd hett mitch nahent er
schlagen / Vnd höre liebe mutter / kein
gefangner sol er sein / er ist Hiltibrant
der alte / der liebste Vatter mein.

Ach mutter liebe mutter mein / nun
beut im zucht vnd ehr / do hub sie auff
vnd schencket ein / vnd trug im selber
her / Was hett er inn seinem munde /
on Gold ein Singerlein / Das ließ er
in Becher sincken / der liebsten Fraw
en sein.

¶ Gedruckt zu Nürnberg / durch
Valentin Neuber.



Faint, illegible text at the top of the page, possibly bleed-through from the reverse side.

